

կայ՝ տուեալ յաւուրց անտի Արքային Սէլիմայ՝ մինչեւ
ցաւուրս մեր, Հայք՝ զոր ինչ միանգամ ժառանգութեամբ
ուներն՝ ՚ի գաւառին յայնմիկ, եկեղեցիք, վանօրայք, կա-
լուածք եւ ստացուածք, այգիք, պարտէզք եւ ամենայն
սեփհականութիւնք. արծաթեղէնք և սղնձեղէնք, և ար-
մենայն սպասք եկեղեցւոյ, ՚ի վերայ ամենեցուն սոցա
եղիազար վարդապետ լիցի իշխան և վերատեսուչ, և ան-
միջական փոխանորդ Աստուածատուր Պատրիարքի, և յայ-
սըմհետէ յեպիսկոպոսաց և ՚ի վարդապետաց՝ և կամ ով ոք
և իցէ յազգէն Հայոց, թէ եւ ունիցի ՚ի ձեռս իւր հրովար-
տակ Արքունի՝ մի՛ իշխեսցէ գնալ յերուսաղէմ, եւ ձեռն
մխել ՚ի գործս եղիազարու. զի Հայք միաբանութեամբ
խնդրեցին հաստատել զայս հրովարտակաւ, եւ բառնալ
զամենայն խոջսն, ԿՊՎ (1660):

Գ Լ Ո Ւ Խ Խ Ե .

Գործ եղիազար վարդապետի. հոտիլ նորա առանձին կաթուղիկոս
յերուսաղէմ: հոտիլակունք էջմիածնի: Գժտութիւն Աստուածատուր
Պատրիարքի և Մարտիրոս վարդապետի ընդ եղիազարու:

Հ ԱՍՏԱՏԵԱԼ եղիազարու զիշխանութիւն փոխանոր-
դութեան և գործակալութեան (նազր) Աստուածատուր
Պատրիարքի, եղ ՚ի մտի այնուհետեւ լինիլ գլուխ ազգին
Հայոց և նստիլ առանձին կաթուղիկոս ՚ի վերայ Հայոց ե-
ղեցոց ընդ իշխանութեամբ Օսմանցւոց և դնել զաթոռ իւր
յերուսաղէմ, զի լեալ էր ծանօթ երկրին: Այսպիսի խոր-
հըրդով ձեռնարկեալ շինեաց զեկեղեցի ՚ի հարաւակողմն
Ս. Յակոբայ կից նմին, յորում է մին յերկոյ գրանց եկե-
ղեցւոյն՝ անաղարտ սլահեալ զհնութիւն նորին, և կոչեաց
զայն Աջմիածին, ՚ի յիշատակ իջման յորդւոյն Աստուծոյ
՚ի վերափոխումն մօրն և կուսի: Ետ կազմել զաթոռ Հայ-
րապետական փառաւոր և գմբեթարդ, եւ Մեղիտոնն ոմն
ճարտարագործ յօրինեալ շքեղացոյց ՚ի կոտորոց սատափի